

**Uunga siunnersuut: Sanaartornermi neqerooruteqartitsisarneq pillugu Inatsisartut  
inatsisaata allannguuteqartinneqarnissaanik Inatsisartut inatsisissaat nr- xx. uu.qq  
2011-meersoq**

(”Kalaallit Nunaanni sanaartornermi sulianut pilersuinermullu ataatsimut piumasaqaatit” (AP) atorneqarnerisa erseqqissarneqarnera. Neqerooruteqartitsisarnermut Maalaaruteqartarfiup naammagittaalliuutnik suliaqarnermini katitigaanera. Neqerooruteqartitsisarnermut Maalaaruteqartarfiup aalajangiisinnaatitaaffiinik annertusititsineq.)

**§ 1**

Sanaartornermi neqerooruteqartitsisarneq pillugu Inatsisartut inatsisaanni nr. 11-mi, 2. december 2009-meersumi imatut allannguisoqarpoq:

**1. § 7-im i imm. 4-p kingorna immikkoortoq nutaaq ataaseq ivertinneqassaaq :**

”*Imm. 5. Neqerooruteqartitsineq AP malillugu ingerlanneqarpat, tak. imm. 4, AP-mik saneqqutsinissaq taamaallaat tunngavissat immikkut ittut pineqartillugit pisinnaavoq. Saneqqutsinissamut aalajangersakkat pisuni ataasiakkaani neqerooruteqartitsinermut najoqqutassiani erseqqissarneqartassapput.*”

**2. § 27-mi imm. 1-ip kingorna immikkoortut marluk nutaat ilanngunneqassapput:**

”*Imm. 2. Suliani ataasiakkaani aalajangiinermi siulittaasoq ilaasortallu sulianik ilisimasallit marluk peqataassapput, taamaattorli tak. imm. 3. Neqerooruteqartitsisarnermut Maalaaruteqartarfiup siulittaasuata, siulittaasoqarfimmi ilaasortat ilaasortallu sulianik ilisimasallit, suliami aalajangiinermut peqataasussat amerlineqarnissaat aalajangersinnaavaa.*

*Imm. 3. Neqerooruteqartitsisarnermut Maalaaruteqartarfiup siulittaasuata ilaasortanik sulianik ilisimasalinnik peqateqarani suliat allakkatigut tunngaviliilluni aalajangiiffiqeqarsinnaasut, imaluunniit tunngaviusunut aalajangiisussaanngitsut aalajangiiffisinnaavai, kiisalu suliat ingerlanissaannut apeqquitit aalajangiiffigisinnaallugit.”* Tamatuma kingunerisaanik imm. 2-4 imm. 4-6-inngorlutinneqassapput.

**3. § 30-mi imm. 1-ip kingorna immikkoortoq ataaseq nutaaq ilanngunneqassaaq:**

”*Imm. 2. Neqerooruteqartitsisarnermut Maalaaruteqartarfiup suliaq itigartissinnaavaa imaluunniit tamakkiisumik ilaannaasumilluunniit aalajangiiffigisinnaallugu, tassungalu ilanngullugu inatsisinik unioqqutitsilluni aalajangiinerit imaluunniit neqerooruteqartitsinernik suliaqarnererit atorunnaarsissinnaallugit imaluunniit suliakkiisoq neqerooruteqartitsinermik suliaqarnerminik inatsisinut naapertuuttunngortitsinissaanik peqqusinnaallugu.”*

Tamatuma kingunerisaanik imm. 2 imm. 3-inngortinneqassaaq.

**§ 2**

Inatsisartut inatsisaat manna 1. juni 2011-mi atuutilerpoq.

*Namminersorlutik Oqartussat, ulloq dd.mm. 2011*

Kuupik Kleist

Inatsisissatut siunnersuummut nassuaatit

**Nassuaatit nalinginnaasut**

**1. Aallaqqaasiut:**

Sanaartornermi neqerooruteqartitsisarneq pillugu Inatsisartut inatsisaanni  
(Neqerooruteqartarnermut inatsimmi) peqqussutinilu taanna tunngavigalugu suliarineqartuni  
maleruagassat pitsaanerusumik atuutsinneqarnissaat siunnersuummi siunertarineqarpoq.

Neqerooruteqartarnermut inatsit ukiup ataatsip missaani atuutereerpoq, tamatumunngalu  
atatillugu Neqerooruteqartitsisarnermut Maalaaruteqartarfiup aalajangiisinnaatitaaffinik  
iliarsiinissaq erseqqissaanissarlu naleqquttutut pisariaqartutullu isumaqarfingineqarpoq.

Tassalu Maalaaruteqartarfiup inatsisinik unioqqutitsilluni aalajangiernik  
atorunnaarsitsinissamut aammalu neqerooruteqartitsinermik inatsisinut  
naapertuuttunngortitsinissamut inatsisitigut tunngavissanik atuuttussanngortitsisoqarnissaa  
pisariaqartinneqartoq paasinarsisimavoq. Taamatuttaaq suliani tunngaviusunut  
aalajangiisuunngitsunut aalajangiisinnaatitaanerup pisariillisarneqarnissaa  
pisariaqartinneqartoq paasinarsisimavoq. Siunnersuutip atuutilerneratigut periarfissat taakku  
atuutsinneqarsinnaalissapput.

**2. Siunnersuummi immikkoortut pingaernerit:**

Siunnersuutip kingunerisaanik Neqerooruteqartitsisarnermut Maalaaruteqartarfik inatsisinik  
unioqqutitsilluni aalajangiernik atorunnaarsitsinissamut aammalu neqerooruteqartitsinernik  
inatsisinut naapertuuttunngortitsinissamut periarfissaqalissaaq.

Tamatuma saniatigut siunnersuutip kingunerisaanik maalaarutit, allakkatigut tunngaveqarluni  
aalajangiiffingineqarsinnaasut aamma tunngaviusunut aalajangiisuunngitsut  
suliarineqartarerat pisariinnerulissaq, Neqerooruteqartitsisarnermut Maalaaruteqartarfiup  
siulittaasua ilaasortanik sulianut ilisimasalinnik peqateqarani suliani taamaattuni  
aalajangiisinnaalertussaammat.

Kiisalu aalajangersakkamik, "Kalaallit Nunaanni sanaartornermi sulianut pilersuinermullu  
ataatsimut piumasaqaatit" (AP) atorneqarnissaannik erseqqissaaviusumik ilanngussisoqarpoq.  
Tassani maleruagassamik nutaamik atuutsitsilernissaq pineqanngilaq, taamaallaalli  
suleriaaseq atorneqartoq inatsisissatut siunnersuut manna aqqutigalugu  
erseqqissarneqartussatut naleqqutsinneqartoq ingerlateqqinnejarpoq.

**3. Pisortanut aningaasaqarnikkut allaffissornikkullu sunniutissat:**

Siunnersuut maannakkorpiaq pisortanut aningaasaqarnikkut allaffissornikkullu  
sunniuteqartussaanngilaq.

**4. Inuussutissarsiornermut aningaasaqarnikkut allaffissornikkullu sunniutissat:**

Siunnersuut maannakkorpiaq inuussutissarsiornermut aningaasaqarnikkut allaffissornikkullu sunniuteqartussaanngilaq.

**5. Innuttaasunut aningaasaqarnikkut allaffissornikkullu sunniutissat.**

Siunnersuut innuttaasunut aningaasaqarnikkut allaffissornikkullu sunniuteqartussaanngilaq.

**6. Avatangiisinut pinngortitamullu sunniutissat:**

Siunnersuut avatangiisinut pinngortitamullu sunniuteqassanngilaq.

**7. Naalagaaffeqatigiinnermut Namminersornermullu pissutsit:**

Siunnersuut Naalagaaffeqatigiinnermut imaluunniit Namminersorlutik Oqartussanut pissutsinut sunniuteqartussatut nalilerneqanngilaq.

**8. Tusarniaaneq:**

Siunnersuut KANUKOKA-mut, A/S Inissiaatileqatigiiffik INI-mut, Iserit A/S-imut, Kalaallit Nunaanni Sulisitsisut Peqatigiiffiannut, NUSUKA-mut, SIK-mut, TSP-mut – Teknikkikkut siunnersuisartut Peqatigiiffiannut, Nukissiorfinnut, Mittarfeqarfinnut, Tele Greenland A/S-imut, Royal Greenland A/S-imut, Royal Arctic Line A/S-mut, KNI A/S-imut, Naalakkersuisut Siulittaasuata Naalakkersuisoqarfianut, Aningaasaqarnermut Naalakkersuisoqarfimmut, Akileraartarnermut Aqutsisoqarfimmut, Inuussutissarsiornermut Suliffeqarnermullu Naalakkersuisoqarfimmut, Siunnersuisoqatigiinnut Ataatsimiititalianullu Aqutsisoqarfimmut, Aalisarnermut, Piniarnermut Nunalerinermullu Naalakkersuisoqarfimmut, Kultureqarnermut, Ilanniartitaanermut, Ilisimatusarnermut Ilanniartitaanermullu Naalakkersuisoqarfimmut, Isumaginninnermut Naalakkersuisoqarfimmut, Peqqissutsimut Naalakkersuisoqarfimmut, Nunamut Namminermut, Pinngortitamut Avatangiisinullu Naalakkersuisoqarfimmut, Ineqarnermut, Attaveqarnermut Angallannermullu Naalakkersuisoqarfimmi Attaveqarnermut Nukissiuuteqarnermullu Immikoortortaqarfimmut, Ineqarnermut, Attaveqarnermut Angallannermullu Naalakkersuisoqarfimmi nuna tamakkerlugu pilersaarusrusiornermut immikkoortortaqarfimmut, Aatsitassanut Ikummatissanullu Pisortaqarfimmut, Greenland Development-imut, Greenland Venture A/S-imut, Kalaallit Nunaanni Eqqartuussiveqarfinnut aamma Nunatta Eqqartuussivianut tusarniaassutigineqarpoq.

**9. Tusarniaanermi akissutit:**

KANUKOKA, Kommuneqarfik Sermersooq, A/S INI, Kalaallit Nunaanni Sulisitsisut Peqatigiiffiat, Naalakkersuisut Siulittaasuata Naalakkersuisoqarfia, Aningaasaqarnermut Naalakkersuisoqarfik, Inuussutissarsiornermut Suliffeqarnermullu Naalakkersuisoqarfik, Unammilleqatigiinnermik Nakkutilliisoqarfik, Kultureqarnermut, Ilanniartitaanermut, Ilisimatusarnermut Ilanniartitaanermullu Naalakkersuisoqarfik, Nunamut Namminermut, Pinngortitamut Avatangiisinullu Naalakkersuisoqarfik, Ineqarnermut, Attaveqarnermut Angallannermullu Naalakkersuisoqarfimmi nuna tamakkerlugu pilersaarusrusiornermut immikkoortortaqarfik, Aatsitassanut Ikummatissanullu Pisortaqarfik, Greenland

Development, Kalaallit Nunaanni Eqqartuussiveqarfiit aamma Nunatta Eqqartuussivia tusarniaanermi akissuteqarput.

Tusarniaaneq inatsisissatut siunnersuterpiami allannguinissamut tunngavissiinngilaq, pisut ataasiakkaat marlussuit matuma kinguliani taaneqartut eqqaassanngikkaanni oqaaseqaatinik akerliliissutinilluunniit immikkut ittunik takkuttoqanngimmat.

Tusarniaanermi § 27-im. 2-mut nutaamut tunngatillugu oqaaseqaateqartoqarpoq, "ilaasortat qassinngorlugit amerlineqarsinnaanersut immaqa iluaqutaasumik allanneqartariaqartoq [-sinnaasoq], taamatullu nassuaatini Maalaaruteqartarfip neqerooruteqartitsinernik suliaqarnerani siulittaasoqarfimmiit peqataatinneqartut ilaasortatut sulianik ilisimasalittut ilaasut amerlaqatigissagaat naatsorsuutigineqartoq allassimaneranut taarsiullugu immaqa inatsimmi toqqaannartumik allassimanissaa eqqarsaatersuutigineqarsinnaasoq".

Naalakkersuisoqarfimmit tamanna tusaatissatut tiguneqarpoq nassuaatillu allanngortinneqarlutik.

### **Inatsisissatut siunnersuummi aalajangersakkanut ataasiakkaanut nassuaatit**

#### *§ 1-imut*

Nr. 1-imut

Imm. 5-imut.

"Kalaallit Nunaanni sanaartornermi sulianut pilersuinermullu ataatsimut piumasaqaatit" (AP) tassaapput piumasaqaatit nalinginnaasut ataatsimoortut, sanaartornermi illuatungeriit akornanni isumaqtigisiussiornermi piumasaqaatit naleqquttut suunerinik ukiorpassuarni misilittagaqarnerit tunngavigalugit suliarineqarsimasut.

AP-p piumasaqaatit nalinginnaasut ukununnga tunngasut imarai: isumaqtigiiissuteqarnermi tunngaviusoq, suliassap suliarineqarnera, aallartitaqarneq suleqtigiiinnerlu, piffissaliussat, tunniussineq, akisussaaffik annaasinnaasallu, atorunnaarsitsineq, aningaasaqarneq aaqqiagiinnginnerlu. Ilanngussani sullivik sullivimmilu pissutsit, entrepenørip sullissinerani pissutsit immikkut ittut, akiliisitsilluni suliat, tapiliussatut suliat aamma suliassap akianik iluarsiineq pineqarput.

AP atuuttoq (AP 95) tamanik suliaqarnermut tunngasuunngilaq. Taamaattumik tamanik suliaqarnissamik neqerooruteqartumut isumaqtigiiissusiornermi tunngavissamik allamik atuisoqartariaqarpoq. Tamanik suliaqarnissamut AP-mik immikkut ittumik saqqummiisoqarnissaata tungaanut isumaqtigiiissuteqarnermut tunngavissatut "Tamanik

suliaqarnermi piumasaqaatit nalinginnaasut” (ABT 93), Kalaallit Nunaannut pisariaqartinneqartunik naleqqussarneqarsimasoq atorneqarsinnaavoq.

Aalajangersagaq malillugu AP pingarnertut saneqqunneqarani tunngavigineqartussaavoq. Pissutsit immikkut ittut, soorlu suliassap suussusia peqputaallutik AP saneqqunneqartariaqarpat aammalu taamaaliornissamut pissutaasut naammaginarpata, saneqqutsinermi sanatitsisup suliaqartullu soqutigisaasa AP-mi oqimaaqatigiissitsinissamik siunertarineqartut sapinngisamik annikinnerpaamik nikisinneqarnissaat pingaaruteqarpoq. Tassunga tunngatillugu AP-mi § 1, imm. 3 innersuunneqarpoq, tassanilu allassimavoq, AP atorneqartillugu, immikkoortut suut saneqqunneqarniarnersut ersarissumik paatsuugassaanngitsumillu allassimappat maleruagassanik saneqqutsisinnaanermut aalajangersakkat aatsaat atorneqarsinnaasut.

Saneqqutsisinnaanernut, pissutsit apeqqutaatillugit akuerineqarsinnaasunut assersuutitut taaneqarsinnaapput:

- § 1, imm. 6, suliaqarnermi danskisut oqaatsit atorneqarnissaannut tunngasoq.
- § 3, imm. 5, akuersinissamut piffissarititaasup sivisussusissaanut tunngasoq, aamma
- § 22, imm. 1, imm. uniffik kingulleq., tak. imm. 11, kiisalu § 22, imm. 10, tassani sulisitsisup akiliinissamut ullunik suliffiusunik 15-inik piffissalerneqarnerata ullut suliffiusut tallimat tikillugit sivikitsumik sivitsuisinnaaneq pineqartillugu.

AP-mik saneqqutsisinnaanerit ilaat AP-mi suleriaatsinik kipititsinermut tunngasuuvvoq. Misilitakkat malillugit kipititsinermi neqerooruteqartup AP-mut naleqqiullugu inatsisitigut inissisimanermik tamakkiisumik paasisaqarsinnaanissaa ajornakusoortinneqartarpoq, taamaattumillu akinik aalajangersaanermi nalornititsilertarluni. Taamaattumik kipititsinissat pinngitsoortinneqartussaapput.

Neqerooruteqartitsinermut najoqquassat tamatuma saniatigut akuttunngitsumik aalajangersakkanik, AP-mut tapiliussaasunik imaqartinneqartarput. AP-mi aalajangersakkat naatsut tamanullu atuuttut ataatsimoortarmata, pisuni assigiinngitsuni aalajangersakkanik tapiliussaqarnissaq pisariaqarsinnaavoq. Taakku sanaartugassanut ataasiakkaanut ”Piumasaqaatit immikkut ittut” (SB) nalinginnaasumik taaguutigisarpaat.

Tapiliussalli AP-p allanneranik saneqqutsinertut isumaqarfingineqarsinnaajunnaarlugit oqaasertaliorneqarnissaat pingaaruteqarpoq.

Nr. 2-mut

Imm. 2-mut.

Aalajangersakkami suliani aalajangersimasuni Maalaaruteqartarfiup katitigaanissaa aalajangersarneqarpoq. Siulittaasup siulittaasoqarfimmeersut amerlineqarnissaanik

(sinniisissaminik ilanngutsitsinikkut) aalajangiisinnaanermi saniatigut aamma ilaasortat sulianik ilisimasallit amerlinissaannik aalajangiisinnaavoq.

Imm. 3-mut.

Maalaaruteqartarfiup suliakkiissutinik suliaqarneranik pitsangorsaanissaq, taamaallilunilu piffissamik suliaqarfiusumik sivikillitsinissaq aalajangersakkami siunertarineqarpoq.

Suliaq qaqugukkut tunngaviusunut aalajangiisussaannginnersoq siulittaasup aalajangertussaavaa. Assersuutigalu pisuni ataasiakkaani suliassaqarfiup iluani suleriaatsinik ersarissunik atuutsitsisoqarnera pissutaasinnaavoq. Assersuutigalugu suliakkiisup neqeroorut, piffissarititaasup naanerani tunniunneqarsimasoq akuerippagu taanna atorneqarsinnaavoq. Tamanna inatsimmi malittarisassanik uniulnerusussaavoq, tassanilu suleriaasissaq ersarippoq.

Apeqquit suliad ingerlanerinut tunngasut assersuutigalugu suliap allakkatigut tunngaveqarluni imaluunniit oqaasiinnaat atorlugit isumaqatiginninniarernik tunngaveqarluni aalajangiiffigineqarnissaanut tunngasinnaavoq, imaluunniit suliakkiisup taarsiissuteqarnissaanut piumasaqaatit suliarineqarnerinut, apeqqutilluunniit allat immikkut ittumik suliarineqartussatut immikkoortinneqarnissaannut tunngasinnaalluni. Suliaq ingerlaneranut apeqqutit aamma allagaatinik takunnissinnaanermut, maalaarutip atuuttussangortitsinermik kinguneqartinneqarnissaanut, imaluunniit maalaarutip soorlu inatsisitigut soqutigisanik tunngavissaqannginneq pissutigalugu itigartinneqarnissaanut aalajangiinissamut tunngasinnaapput.

Nr. 3-mut

Imm. 2-mut.

Suliat Maalaaruteqartarfiup aalajangiisinnaatitaaffiisa avataanniittut Maalaaruteqartarfiup itigartissavai.

Pisuni suliakkiisoq suliassamut neqerooruteqartitsisimatinnagu – tassalu suliassanut neqerooruteqartarnermut inatsimmi § 1, imm. 2-mi ilaatinneqaraluartunut, taamaallilunilu maleduagassanik unioqqutitsilluni neqerooruteqartitseqqaarani suliakkiisimatillugu - Maalaaruteqarfik iliuuserigallagassanik, unioqqutitsinertut taaneqartunik atorunnaarsitsinissamik siunertaqarfiusunik aalajangiisinnaavoq, tassungalu unioqqutitsilluni neqerooruteqartitsinerusimasinnaasumik unitsitsinissaq ilaavoq. Maalaaruteqartarfiup iliuuserigallagassanik aalajangiinermini unioqqutitsinerup sakkortussusia, taamatullu aalajangiinerup kingunerisassai eqqarsaatigissavai. Tassalu soqutigisat suliamut attuumassuteqartut, kiisalu eqqarsaatigisassat tamanut tunngasut tamarmik nalilersorneqassapput. Tamanna pingaartumik isumaqatigiissusiorqareernerani neqerooruteqartitsinermik allannguisoqarsinnaatillugu atuutissaaq.

Suliakkiisoq suliassamut neqerooruteqartitsisimatillugu, kisiannili neqerooruteqartitsineq amigaateqarsimatillugu inatsisinik unioqqutitsilluni aalajangiineq Maalaaruteqartarfiup atorunnaarsissinnaavaa, imaluunniit suliakkiisoq neqerooruteqartitsinermik inatsisinut naleqqussaanissamut pisussaafflersinnaallugu. Pisuni immikkut ittuni neqerooruteqartitsinermik atorunnaarsitsineq piviusunngorsinnaavoq.